

محراب

افئوقى ، اجتماعى ، فلسفى ، تاريخى ، ادبى مجموعه دور
شېندىك آيدە بر نقر اولتور

مدرجات

- هندستانك استقلال مجاهدلىرى « مصاحبه » يوسف ضيا
اسلام « فلسفه و علوم » مصطفى شكيب
ملوكى طيفلو « هاناسونك تزدندە تخیلات » قەدىرە جەبى
مخراق عشق سجوده كلدم ، حضرت نى عشقه سمير جمال اوره نوس
سلجوقيلرك اقراضى زمانندە ، قونيه علمى ضيا
ابن خلدون دە اجتماعيات ضياء الدين فخرى
هياكل الور « ترجمه در » شيخ شهاب الدين مفضل سهروردى
سهروردينك فلسفه نى « مكاشفه طريقى » يوسف ضيا
سجيه و ذكا اورفلى محمود
تورك متصوفلىرى (مرید زاده مصطفى عجزى آغا) طاهر عربى
حى بن يقطان « ابن طفيل » رشيد

اولدقلری درجده تقدیر ایدیلهمه مشدی . تماماً قید و ضبط ایدلهمش اولان حیاتلرینی
یا ضربۀ آهله تخریب ایدلمش محکوکات حجریه بی حل و تفسیر ایدلرک و یا خودمصر پاتختک
کتبخانه لرینی تزیین ایدن متفرق ال یازمالری آراسنده آرامق مجبوری تی اولدیغنی تئیت
ایلمک عجیب بر کیفیتدر .

دوچار ظلم و اعتساف اولدیلر، تعقیب اولوندیلر ، قدرلری انکار ایدلدی چونکه قادین
ایدیلر

فقط ستاره لر نظردن فائب اولیور دییه اونلرک کذارش پر نوری انکار اولنه بیلیرمی ؟
روحنی اعماق دروننده تکشیف ایدن « تب » بلده سنک ایصسر مدینه امواتی کجرکن
ضرور بشری و حادثات عالمک استهزاسنی دوشونیوردم .

مادام که شیمدی بوایللق ماوی یاز کیجه سی ایچنده مستغرق خواب اولان « تب » کورعه
مقابر ملوکنده فضائک عظمتی صمت و سکوتی صیحه لر یله اخلاص ایدن کیجه قوشلرندن
باشقه برشی قالماش ، اوحالده اعتسافی ارتکاب ایدنلرده معروض تعدیات اولمشلر .

تب ۱۵ مارت ۱۹۲۰

قمریه صبی

محراق عشقی سجوده کلدیم !

« — بن محراق عشقی بولمق ایسترم .

قوشدم ، قوشدم . پک اوزاقلردن ، بو داغلرک آرقاسندن کلدیم . دیزلرم یارالی
باشم آتش ایچنده کلدیم . بکا چابوق سویله ، محراق عشقی بولمق ایسترم !
یاشلرم اضطراب و آتشمندن آقاماز اولدی . قلم احتیاجدن چارپاماز اولدی .
کوزلرکده ، ایستدیکم شیئی خاطرلیان بر آیدینلق وار . بلکه ، آقشام وقتک
بو صولمق اوزره اولان قیزیللغنده سن اونک معتنا و وجود کدن بر جزئه مالکسک
آغاجلری صارصان بویموشاق فیصلدینک ، بکا ، سویله دیکنی سویله ! بنده اونک ایسته دیکنی
ایسترم .

قوشمقدن ، آرامقدن خرابایم . کوزلریمده یاندیجه قائمیان احتیاجی قاندر !
محراق عشقی سجوده کلدیم ! »

روح کریان ، بویله خطاب ایتدی .

فقط قارشیدینده دوران ، بر جان بچاره ایدی . یوله کیدیوردی . کوزلرنده کی
شعله ، بررنک آفلدن عبارتدی و کونشک ارضده طوتوشدیردینی چراغله دهه دیکلمه دن ،
دیکلمدی ..

« — ای بادر آزاد ، چوق مسافه لر کزدک . بکا سن محراق عشق کوستر ! .
صیجاق اُس . علودن دهه صیجاق اُس . کائناتی قوره تحویل ایت !

چوق کریان ایم . سنک بیله چارپارق قیریلدیغک بوسرت داغلی ، بن کوردیکک
قنادسز و حسرتدن سرخوش وجودیله آشدم .

کوزلریمک نجم عشقه تماسنه محتاج ایم !

نالان ایم ، بنی چابوق ایردیر .

محراق عشق سجوده کلام ! »

روح کریان ، تکرار بویله فغان ایتدی . . .

نهایت « جبریل آمین » اوکا عرشدن خطاب ایتدی :

« محراق عشقه سنک ، سجده ایت ! » دیدی .

روح کریان ، أفلاکک بوخطابه تشهب ایدوب دوردن مجنون اولدیغنی کورهمدی .
سجده ایده جکدی .

فقط نه اکیلک جک باشی ، نه بوکوله جک دیزلری ، نه ده قپانه جق سجده کاهی قالدی . . .

* * *

حضرت نبی عشقنه

کوزلریمی هیچ آچاییک . بن اویله شعله دار برجان اوکنده اویودم و یورکمی اویله
بیوک بر آتشله یاقدم که ا کر کوزلریمی آچارسهم هلاک اولورم . او وقت صور اسرافیل
بیله بنی احیا ایده من .

براقک کوزلرم بو عشق نار ایله یانسین . مجنونک نفسنه تماس ایتمش کی یانسین !

فقط ، آه ، شعله پک شعله دار ، جان پک سوزان ، تحمل پک کران !

اللهم ، ای حسن و لطفک الهی اولان اللهم ، بکا تیر عشقکی چابوق صاپلا !
چونکه اونک یوره کم اوستنده سماع ایتسنه آرتق تحمل قالمادی .

عشقاً کبر عشقنه ، بکا تیر عشقی صاپلا !
 بن ، بنم عشقمه یانماجق بر قطب لاهوته سجده ایتورم . سن کورلاکلرک محرابی ،
 آتشلرک ، عشقلرک معشوقیسک !
 الله ، الله .. سنک ایچون کوز یاشی دوکمک ، بکا هیچ بر ذوقک ایره میه چکی شاهقه بی
 کوستردی .

کو کسمی آچورم . قوللریمی باغلیارق ، بتون وجودیمدن ، جانمندن ، جهاندن کچهره ک
 سکا کندی می اعاده ایدیورم . دنیاده طوتونا جق هیچ بر نقطه م ، باغلا نه جق هیچ بر ذره م یوق .
 اللهم بنی یاق ! سنک عشقکه یاقمق ، سکا سجده ایتک ، سکا بیک ذره می بیک کره
 فدا ایتک .. وجودیمی سنک عشقکک بیوک شعله سیله یاقمق ، یاقمق بنی ذوق و سکردن
 باق نه حاله قویدی ! شیمدیدن قهر و زبون اولدم !
 سن ، نامکی بیلرجه طواف ایدن ، ذکر عظیمکی قلبه بیلرجه جان ایدن روحه
 نهایت خطاب ایدرسک ، دگلی ؟

سنک و بنم آرامزده هیچ کیمسه یوق . حتی بن ده یوق ایم .
 سن او قدر کوزل و بویوکسک که ، نفسم ، طاجز بردومان یازچه سنک جسم برداغ
 ایتکنه حسرت و مذلتله سورونوشینه بکزه من ؛ او قدر کوزل و بویوکسک که سفی
 سووب عشقکک لطفندن ، عشقکک ذوق بی نهایت سندن ایچدکه کوکلرک بعد لایتناهی سفی
 أجرامک لایعد کثرتی ، زمانک مدهش چنبرینی نهان و عمله یکسان بولویورم .
 نفسم و سن بر نبصندن ، برتک نظردن ، برتک نغمه صدردن عبارت اینز .
 فقط سن ، یینه کمال آتشنندن دوار اولان او یله بر دورانسک که سجده که قیامش
 آفلاک ، أنجام و لایحی روحلر عشقکدن سکران ، بر ذره نورکله شعله و تشهیدن نابوددرلر .
 الله ، الله ... الکی قلبمک اضطراب و حسرتدن طوتوشان ذره لری اوستنه سور .
 عشقمک درجه سی طوپراغک نباتلرندن ، قوشلرک تیرلرندن ، ییادیزلرک صایب سندن دها
 چوق اولسون . تاکه بنی قهر ایتسین !

الله ، ای حسن ولطمک الهی اولان الله ، بکا عشقی صاپلا .

چونکه اونک یوره کم اوستنه سماع ایتسنه تحمل قالمادی .

حسن یوسف عشقنه ، حضرت بنی عشقنه بکا تیر عشقی درین صاپلا !

سمیه جمال اوره نویسی